



Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Civil Protection Administration

Broj: 06-11-136-21/25  
Sarajevo, 27.03.2025. godine

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, br. 39/14, 59/22 i 50/24) i člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, br. 103/14 i 49/23), na Preporuku Komisija za nabavku, broj: 06-11-136-7/25 od 26.03.2025. godine, u postupku javne nabavke usluga: „Osiguranje motornih vozila“, direktor Kantonalne uprave civilne zaštite Kantona Sarajevo, donosi

**ODLUKU**  
**O IZBORU NAJPOVOLJNIJEG PONUĐAČA**

**Član 1**

Prihvata se Preporuka Komisija za nabavku, broj: 06-11-136-19/25 od 26.03.2025. godine u postupku javne nabavke usluga: „Osiguranje motornih vozila“ i Ugovor o osiguranju motornih vozila, dodjeljuje se izabranom ponuđaču EUROHERC OSIGURANJE d.d., ul. Trg međunarodnog prijateljstva br. 20, 71000 Sarajevo, prema ponudi br. 25303491 od 25.02.2025. godine, za ponudenu cijenu od 13.785,16 KM bez PDV-a, kao najpovoljnijem ponuđaču.

**Član 2.**

Prijedlog Ugovora o osiguranju motornih vozila, dostavit će se na potpis izabranom ponuđaču u roku utvrđenim Zakonom o javnim nabavkama („Službeni glasnik Bosne i Hercegovine“, br. 39/14, 59/22 i 50/24).

**Član 3.**

Ova Odluka će se u skladu sa članom 70. stav (6) Zakonom o javnim nabavkama objaviti na web stranici Kantonalne uprave civilne zaštite Kantona Sarajevo ([www.kucz.ks.gov.ba](http://www.kucz.ks.gov.ba)) i to istovremeno s upućivanjem ponuđačima koji su učestvovali u postupku javne nabavke.

**Član 4.**

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija Kantona Sarajevo, svako u okviru svoje nadležnosti.

**Član 5.**

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.

## Obrazloženje

Postupak javne nabavke usluge: „Osiguranje motornih vozila“, pokrenut je Odlukom o pokretanju postupka javne nabavke, broj: 06-11-136/25 od 13.02.2025. godine.

Postupak predmetne nabavke sproveden je putem konkurentskog postupka javne nabavke.

Procijenjena vrijednost nabavke „Osiguranje motornih vozila“ bez PDV-a je do 16.200,00 KM. Komisija za nabavku je imenovana Odlukom, broj: 06-11-136-1/25 od 13.02.2025. godine. Obavještenje o nabavci, broj: 282-7-2-9-3-16/25, objavljeno je dana, 14.02.2025. godine na Portalu javnih nabavki, kao i tenderska dokumentaciju za predmetni postupak javne nabavke u sistemu „E-nabavke“, dok je sažetak Obavještenja o nabavci poslala na objavu Službenom glasniku Bosne i Hercegovine, koje je objavljeno u „Službenom glasniku Bosne i Hercegovine“, broj: 9/25 dana 21.02.2025. godine. Komisija za nabavku dostavila je dana, 04.03.2025. godine direktoru Kantonalne uprave civilne zaštite Kantona Sarajevo, Zapisnik o pregledu i ocjeni ponuda broj: 06-11-136-6/25 od 25.02.2025. godine (zaključen 03.03.2025. godine), Preporuku ugovornom organu broj: 06-11-136-7/25 od 03.03.2025. godine i Izvještaj o provedenom postupku javne nabavke broj: 06-11-136-8/25 od 03.03.2025. godine.

Na osnovu dostavljenog Izvještaja o provedenom postupku javne nabavke, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispjelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- Da su u predmetnom postupku ukupno zaprimljene tri ponude;
- Da su blagovremeno zaprimljene tri ponude;
- Da nije bilo neblagovremeno zaprimljenih ponuda;
- Da su ponude ponuđača, kvalifikovane i prihvatljive, da ispunjavaju sve zahtjeve i kriterije koji su traženi tenderskom dokumentacijom za predmetni postupak javne nabavke, broj: 06-11-136-2/25 od 14.02.2025. godine, te da su dostavljeni svi traženi dokazi na propisani način;
- Da je Komisija tokom pregleda i ocjene zaprimljenih ponuda (sabiranje jediničnih cijena) utvrdila da ponuđač SARAJEVO OSIGURANJE d.d. nije izvršio pravilan obračun zbirne cijene svih jediničnih cijena u Obrascu za cijenu ponude Aneks 3 od rednog broja 1. do rednog broja 57., na osnovu čega je pripremljen zahtjev za prihvatanje računске greške koji je upućen navedenom ponuđaču.
- Da je ponuđač uredno i u zakonskom roku odgovorio da prihvata računsku grešku i u skladu sa zahtjevom dostavio svoj novi Obrazac za cijenu ponude sa ispravljenom računskom greškom;
- Obzirom da je za ovaj postupak javne nabavke predviđena e-aukcija, Komisija je e-aukciju zakazala i održala prema odredbama Pravilnika o uslovima i načinu korištenja E-aukcije („Službeni glasnik Bosne i Hercegovine“, broj 80/23);
- Komisija je nakon provedene e-aukcije utvrdila da je ponuđač SARAJEVO OSIGURANJE d.d. Sarajevo bio prvorangirani prema kriteriju za izbor ponude (najniža cijena);
- Komisija je nakon provedene e-aukcije donijela Odluku o izboru najpovoljnijeg ponuđača, broj: 06-11-136-10/25 od 03.03.2025. godine kojom je ponuđač SARAJEVO OSIGURANJE d.d. Sarajevo odabran kao najpovoljniji ponuđač;

- Ugovorni organ je dana 10.03.2025. godine zaprimio žalbu od strane ponuđača EUROHERC OSIGURANJE d.d. na gore navedenu Odluku o izboru najpovoljnijeg ponuđača.
- Komisija je nakon zaprimljene žalbe pristupila ponovnom pregledu i ocjeni ponuda o čemu je sastavila novi Zapisnik u kojem je konstatovala sljedeće:
  1. Ponuđač SARAJEVO OSIGURANJE d.d. Sarajevo je za motorno vozilo pod rednim brojem 31. registarskih oznaka K91-O-958, obračunao premiju od 162,00 KM, a prema cjeniku za osiguranje vlasnika vozila od odgovornosti za štetu prouzrokovanu trećim osobama iznos za premiju za navedeno motorno vozilo je 259,00 KM, čime je sebe doveo u povlašten položaj prilikom ocjene ponuda;
  2. Uvidom u ponudu i Odluku o načinu utvrđivanja tarife premije i cjenika za osiguranje vlasnika vozila od odgovornosti za štetu prouzrokovanu trećim osobama ponuđač SARAJEVO OSIGURANJE d.d. Sarajevo je za priključno vozilo pod rednim brojem 55. koje ima nosivost 2700 kg, obračunao premiju prema premijskoj grupi 7 – priključna vozila, pogrupa 01 (do 1t nosivosti), a ne prema premijskoj grupi 02 (nosivost od 1t do 3t), čime je sebe doveo u povlašten položaj prilikom ocjene ponuda;
  3. Ponuđač CROATIA OSIGURANJE d.d. je za motorno vozilo pod rednim brojem 31. registarskih oznaka K91-O-958 također obračunao premiju od 162,00 KM, a prema cjeniku za osiguranje vlasnika vozila od odgovornosti za štetu prouzrokovanu trećim osobama iznos za premiju za navedeno motorno vozilo je 259,00 KM, čime je sebe doveo u povlašten položaj prilikom ocjene ponuda.

Na osnovu gore navedenog žalba ponuđača EUROHERC OSIGURANJE d.d. se usvaja kao osnovana, te da se poništava Odluka o izboru najpovoljnijeg ponuđača, broj: 06-11-136-10/25 od 03.03.2025. godine.

U postupku donošenja ove Odluke, posebno su cijenjene činjenice da je Komisija nakon zaprimljene žalbe ponovnim pregledom i ocjenom ponuda uvažavajući žalbene navode žalitelja EUROHERC OSIGURANJE d.d. pravilno i potpuno izvršila ponovnu ocjenu kvalifikovanosti ponuđača, u skladu sa zahtjevima iz tenderske dokumentacije te da rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, te tenderskom dokumentacijom. Uvidom u priloženu dokumentaciju, nesporno je da je izabrani ponuđač jedini dostavio prihvatljivu ponudu koja ispunjava sve uslove zadane u tenderskoj dokumentaciji.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba najkasnije u roku od pet dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama. Ugovorni organ će postupati po žalbi na način propisan odredbama člana 100. Zakona o javnim nabavkama.

**Dostavljeno:**

- Svim ponuđačima
- Sektor za materijalno-finansijske poslove KUCZ KS
- Ministarstvu finansija Kantona Sarajevu
- a/a

